

序

自道經不闡凡上帝諸天真宰列宿咸有誥或述功行或稱願
力或叙生平出處使人誦之曉然知所由來而生敬慕之心亦
如帝天明明赫赫臨之在上罔敢戲渝褻越詩所謂上帝臨汝
勿貳爾心者也惟佛菩薩經無誥季世應真於法事科儀據經
作誥以為歸依信順之詞至於呂祖諸誥則皆龍沙顯跡飛鸞
自演尤為靈驗凡有所祈罔弗克遂更有誦持既久降神現相
明示道要證果仙真者洵度世之慈航也世人苟能專心致志
誠敬弗懈則感應道交自獲不可思議功德祈福禳災其餘事
耳義陵無我子劉體恕敬序

道藏輯要

呂祖本傳序

壹

續室集一

川一

